

原武縣志序

司牧之官並稱守令而
令與民為最親令得人
則邑無不治為令者必
于一邑之事罔不周知
斯無愧乎為令為郡邑

之事莫詳於誌守令之
職莫急於修誌，不脩
則事無所考民生日蹙
而庶務廢弛大可懼也
且邑誌既修則郡誌亦
可採擇成書此邑誌之

脩視郡誌為尤急懷慶
所屬七邑舊各有誌而
原武之誌修輯獨先吳
侯之勤於為政不可槩
見歟原武向隸開封自
雍正初年改歸懷慶濱

臨大河其地瘠而民貧
難于撫字吳侯久於其
任百廢具興且于簿書
之餘輯為邑誌其文章
爾雅而體例甚嚴披覽
之餘未嘗不美吳侯之

學優而才大也夫史筆
三長而誌亦如之吳侯
以明經之家由

內廷教習出宰原武循良之
譽父母之歌輿論官評
亦既聲馳遐邇矣余自

慚典郡幸得與吳侯共
理斯民數年以來深相
器重叙原武之誌不敢
以不文辭也而余竊有
慨者懷慶郡誌修于康
熙乙亥之前迄今亦五

十餘年矣太守風流豈
無以龔黃而兼元白者

黼黻

太平從容載筆原武之誌寧
不足供其採擷乎若余之
謏陋盖有志焉而未逮也

唐
晉

乾隆十二年丁卯春日知

懷慶府事柴瑋撰

序

原武縣舊志創始於明季增修於

國初至康熙年間

詔下直省纂脩通志於是撫豫中丞

閻公檄下郡縣興修志乘而原志亦
因之稍々補輯然闕畧猶多舛譌不

少文所承乏茲邑十有餘年披覽遺
編每深歎息願嘗從事於斯而力有
未遑也乾隆甲子

藩憲趙公憲邑志之不修其事與人日
就湮沒又念大法小廉之際經費不支
不能特開志館禮聘名賢俾從一邑

之中擇其質而有文通知典故者相
與編集成書此

藩憲承流宣化所以補敝

太平而恤屬之仁本於愛民之意計深慮
遠豈以是為具文也哉竊嘗聞之
志者紀也邑之有志所以紀一邑之

人與事以信今而傳後也夫時代之變
更見於輿圖沿革民生之休戚見於
石賦役政教之得失見於禮樂風俗
與一切建置如學校城池其大焉者而
人文之盛衰則於人物藝文而見之矣
至於職官之中後志名宦則又官斯

土者之烟鑒也蓋一展卷而其孰為
緩孰為急孰為勸孰為懲備於茲

矣若夫星野祥異之驗於天文溝洫橋
梁之統於地理與夫物產之微六具有樽

節愛養之道焉則邑志之作其有裨於

治也豈淺鮮哉 文所之任原武也久一邑

之士民既相與安之矣撫字敢憚其勞
催科不愁其拙乃得於簿書期會之
餘搜採遺聞訪求故蹟殘碑斷簡
復藉為考證之資知舊志之闕畧
謹為補之知舊志之舛謬謹為正之
高確再三期於仰承

意而自慚固陋終貽大雅之羞筆
削未精尚有待於後之君子

告

乾隆十二年歲次丁卯嘉平月原
武縣知縣新安吳文所曉村甫序

增脩原武縣志序

豫屬舊志重續於康熙二十九年厥後未及脩舉距今五十餘載我

皇上聖神相繼重熙累洽久道化成其教養之休息仁義之漸摩凡

吏治民風桑田學校官師人物
殊有煥然維新者苟不詳為紀
載漸致淪沒無傳終屬缺典甲

子秋

藩臺趙公檄下通省郡縣飭令增
脩志乘務俾人與事之應傳者